



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Sumáriu Kazu
Tribunál Judisiál Primeira Instánsia Baukau
Mai 2023

Afirmasaun: Sumáriu Kazu tuir mai ne'e deskreve faktu sira no prosesu iha Tribunál tuir JSMP nia monitorizasaun independente, no deklarasaun ne'ebé parte sira fó iha Tribunál nia laran. Informasaun ne'e la reprezenta JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru fetu no ema vulneravel. JSMP afirma la iha justifikasaun ba kualkér violénsia hasoru fetu.

A. Sumáriu prosesu julgamentu kazu iha Tribunál Judisiál Primeira Instánsia Baukau

1. Totál kazu ne'ebé JSMP monitoriza: 23

Artigu	Tipu Kazu	Númeru
Artigu 145 Kódigu Penál (KP) & artigu 2, 3, no 35 letra (b) Lei Kontra Violénsia Doméstika (LKVD)	Ofensa ba integridade física simples ho natureza violénsia doméstika (artigu 2 kona-ba conseitu violénsia doméstika, artigu 3 kona-ba relasaun família, artigu 35 kona-ba tipu krime violénsia doméstika (VD) sira no artigu 36 kona-ba krime sira violénsia doméstika nian hanesan krime públiku)	4
Artigu 20 (1), artigu 2 (2 alinea f) Lei Arma Brankas	Arma Brankas	3
Artigu 145 (KP) & artigu 2, 3, no 35 letra (b) (LKVD) no Artigu 20 (1), artigu 2 (2 alinea f) Lei Arma Brankas	Ofensa ba integridade física simples ho natureza violénsia doméstika no arma Brankas	2
Artigu 154 (KP) & artigu 2, 3, no 35 letra (b) (LKVD)	Maus-tratus ba konjúje kontekstu violénsia doméstika	1
Artigu 259 (a) KP	Danu agravadu	1

Artigu 252 (1) Alinea d, f no I KP	Furtu agravadu	1
Artigu 258 KP & Artigu 20 (1), artigu 2 (2 alinea f) Lei Arma Brankas	Danu simples no arma brankas	1
Totál		23

2. Totál desizaun ne'ebé JSMP monitoriza: 17

Tipu desizaun	Artigu	Númeru
Suspensaun ba prizaun nia ezekusaun	Artigu 68 KP	6
Pena multa	Artigu 67 KP	11
Totál		17

3. Totál kazu sira ne'ebé adia tuir JSMP nia monitorizasaun: 0

4. Totál kazu ne'ebé sei kontinua prosesu tuir JSMP nia monitorizasaun: 6

B. Deskrisaun sumáriu julgamentu ba desizaun kazu sira

1. Krime arma brankas

Nú. Prosesu : 0106/20. PDBAU
 Kompozisaun Tribunál : Koletivu
 Juís : Dr. Jose Antonio d. Escorial, Dra. Jumiaty Maria Freitas no
 Dr. José Q. S. Celestino
 Prokuradór : Dr. Julio da Silva Correia
 Defeza : Dra. Laura Valente Lay
 Desizaun : Pena prizaun tinan 3 suspende ba tinan 3

Iha 10 Maiu 2023, Tribunál Judisiál Primeira Instánsia Baukau prezide julgamentu leitura akordaun ba kazu arma brankas ne'ebé envolve arguidu Gaspar de Castro Ximenes hasoru Estadu RDTL, iha aldeia Samaliu suku Loihunu postu admistrativu Ossu Munisípiu Vikeke.

Akuzasaun Prokuradór

Prokuradór akuza katak iha, 08 Marsu 2020 iha oras tuku 22:00 kalan Jose da Costa ho nia feen iha sira nia uma oin sira ko'alia kona-ba bé matan ne'ebé sira nain rua la aseita atu dada bé matan ba comunidade sira ho naran *Bé Baboras* iha áreia bubur laran, arguidu rona ida ne'e ba diskute malu ho Jose da Costa no nia feen, hafoin arguidu ba foti dima no katana hodi ameasa Jose da Costa ho nia feen dehan '*imi mangame hau oho tiha imi iha fatin ne'e*'.

Prokuradór akuza arguidu kontra artigu 20 nú1 husi lei nú.5/2017 kona-ba lei arma brankas

Produsaun ba prova sira

Iha prosesu julgamentu, arguidu deklara katak sira diskute malu kona-ba dada bé maibé Jose ho nia feen la aseita, tanbá ne'e mak arguidu nerbozu ba foti katana no kaer ho ai naruk ida maibé la'os uza dima, arrepende ninia halok, foin primeiravés mai hatan iha tribunál nu'udar agrikultór rezultadu hodi sustenta deit ba familia.

Prokuradór husu ba tribunál atu presinde testemuña tanba arguidu konfesa faktu hotu iha akuzasaun no tribunál simu pedidu no presinde testemuña.

Alegasaun finál

Prokuradór haktuir katak iha produsaun prova arguidu konfesa ba faktu sira hotu, arguidu foti katana no uza ba komete krime. Tanba ne'e husu ba tribunál atu kondena arguidu ho pena prizaun tinan rua suspende ba tinan rua.

Enkuantu defeza haktuir katak bazeia ba produsaun prova arguidu konfesa faktu sira hotu, arrepende ninia hahalok, nune'e husu ba tribunál atu aplika pena ne'ebé justu ba arguidu.

Desizaun

Depoisde avalia faktu sira hotu, tribunál prova katak arguidu foti duni katana hodi ameesa testemuña no arguidu kaer de'it ai la'os dima.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

2. Krime ofensas ba integridade fizika simples ho Natureza violénsia domestika

Nú. Prosesu	: 0003/23.BCPVN
Kopozisaun Tribunál	: Singulár
Juís	: Dra. Maria Modesta d. A. Viera
Prokuradór	: Dr. Ambrosio Rangel Freitas
Defeza	: Dr. Germano Guterres Ramos
Desizaun	: Pena multa US\$50.00

Iha 15 Maiu 2023 Tribunál Judisiál premeira Instánsia Baukau prezide julgamentu leitura sentensa ba krime ofensas ba integridade fizika simples ho natureza violénsia doméstika envolve arguidu MBdSA hasoru nia feen, iha Munisípiu Baukau.

Akuzasaun Prokuradór

Prokuradór akuza katak iha 02 Marsu 2023 iha oras tuku 09:00 dadeer iha sira nia uma arguidu buti dala ida iha lezada nia kakorok, dudu lezada monu ba rai, arguidu nia hahalok ne'e rezulta lezada sente moras iha kakorok no isin loloon. Antes ne'e arguidu husu telefone maibé lezada la fó, arguidu nerbosu no halo agresaun ne'e hasoru lezada.

Prokuradór akuza arguidu komete krime konkursu kontra artigu 145 KP kona-ba ofensa ba integridade fizika simples ho natutreza violénsia doméstika ho moldura penál to'o tinan 3 ka multa kónjuga ho artigu 2, 3 nú 35 husi LKVD.

Produsaun ba prova sira

Iha produsaun prova arguidu konfesa integralmente ba faktu sira hotu problema mosu tanba de'it arguidu husu telefone ba lezada atu loke musik hodi hamaus nia oan ki'ik halo toba, maibé lezada la fó mak arguidu nerbosu no halo agresaun hasoru lezada.

Iha momentu lezada ba halo tratamentu iha ospitál ne'e mak lezada nia aman kontaktu ba arguidu no arguidu foin tuir lezada ba ospitál. Depoisdelezada halo tratamentu, lezada simu ai-moruk no fila ba uma no sira di'ak malu kedas, to'o agora la baku ona lezada, arrepende ninia hahalok, arguidu nu'udar agrikultór rezultadu hodi sutenta de'it ba família.

Alende ne'e lezada deklara katak tanba de'it arguidu husu telemovel lezada la fó ne'e mak arguidu nerbozu arguidu buti kedas nia kakorok, lezada informa ba nia aman, lori lezada ba Polisia no kontinua lori ba sentru saúde hafoin lezada nia aman kontaktu arguidu ba tuir no sira fila hamutuk ba uma kontinua di'ak malu no to'o agora la baku ona lezada.

Alegasaun finál

Prokuradór haktuir katak arguidu provadu komete krime ofensa integridade física simples ho natureza violénsia doméstika hasoru lezada. Tanba ne'e husu ba tribunál atu kondena arguidu ho pena multa US\$60.00, tribunál mós fiksa pena alternativa durante loron 40 prizaun, bainhira la kumpre pena multa refere.

Entretantu defeza iha nia alegasaun katak arguidu konfesa integralmente ba faktu sira hotu, tanba de'it telefone sira nain rua deskute malu no mosu problema, arguidu buti lezada no agora sira di'ak malu ona. Nune'e husu ba tribunál atu fó pena ne'ebé mais adekua ba arguidu.

Desizaun

Depoisde avalia faktu sira hotu, tribunál prova katak arguidu halo agresaun hasoru lezada, buti dala ida iha lezada nia kakorok no dudu lezada monu ba rai rezulta kakorok moras no isin loloon moras.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena multa US\$50.00 ne'ebé arguidu sei selu sentavus 0,50 kada loron durante loron 100. Tribunál mós fiksa pena alternativa ba arguidu durante loron 66 prizaun, bainhira arguidu la kumpri pena multa refere.

3. Krime danu simples

Nú. prosesu : 0093/22.PDBAU

Kompozisaun Tribunál : Singulár
Juís : Dr. Evangelino Belo
Prokuradór : Dr. Julio da Silva Correia
Defeza : Dr. Germano Guterres Ramos
Desizaun : Pena multa US\$30.00

Iha 15 Maiu 2023 Tribunál Judisiál Primeira Instánsia Baukau Prezide julgamentu leitura sentensa ba krime danu simples ne'ebé envolve arguidu Agostu Freitas hasoru lezadu Sabino Freitas da Silva, iha Munisípiu Baukau.

Akuzasaun Prokuradór

Prokuradór akuza katak iha 15 Jullu 2022 iha oras tuku 06:00 madrugada arguidu kondús kareta baskolante hodi sama estraga lezadu nia fatuk.

Prokuradór akuza arguidu konkursu krime kontra artigu 258 KP kona-ba danu simples ho moldura penál to'o tinan 3 ka multa

Produsaun ba provas sira.

Iha produsaun prova arguidu deklara nu'udar motorista, iha momentu ne'e Alexandre aluga kareta tula nia rai henek mak arguidu halai liu husi lezadu nia to'os laran no sama kona lezadu nia fatuk ne'ebé fakar iha fatin ne'e, arguidu rekuñese halai sama fatuk iha lezadu nia to'os laran tanba Alexandre mak haruka halai liuhusi dalan refere. Arguidu hakarak di'ak malu maibé lezadu lakohi, arrepende ninia hahalok, foin primeravés mai hatan iha tribunál no arguidu serbisu nu'udar agrikultór la iha rendementu fiksi.

Entretantu lezadu deklara katak, antes ne'e lezadu iha problema kona-ba disputa rai ho Alexandre no antes Alexandre halo uma, sira ko'alia ona katak kareta tula sasan labele liuhusi lezadu nia rai no antes mós informa ba arguidu katak tula Alexandre nia sasan karik labele liu husi lezadu nia rai. Arguidu nu'udar Alexandre nia subriñu, derepente uza kareta tula rai henek mai sama estraga hotu lezadu nia fatuk ne'ebé fakar iha to'os laran no lezadu la husu atu nia selu fatuk refere.

Alegasaun finál

Prokuradór konsidera arguidu komete krime hasoru lezadu tuir akuzasaun ne'ebé imputa ba arguidu, arguidu rasik konfensa. Antes lezadu fó hatene ona arguidu atu labele liuhusi lezadu nia toos laran, maibé arguidu la halo tuir no momentu tula raihenek ne'e arguidu liuhusi toos laran no sama estraga lezadu nia fatuk ne'ebé butuk iha toos laran.

Lezadu la husu indeminizasaun ba arguidu, tanba ne'e husu ba tribunál atu kondena arguidu ho pena multa US\$30 durante loron 90 kada loron sei selu sentavus 0.50.

Enkuantu defeza haktuir katak iha produsaun prova arguidu konfesa, arrepende ninia hahalok, arguidu buka atu di'ak malu ho lezadu maibé lezadu mak lakohi tanba ne'e defeza mós konkorda ho prokuradór nia alegasaun.

Desizaun

Depoisde avalia faktu sira hotu, tribunál prova katak arguidu kondús kareta baskolante sama estraga lezadu nia fatuk iha toos laran. Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu sentavus 0,50 kada loron durante loron 60. Tribunál mós fiksa pena alternativa ba arguidu durante loron 40 prizaun, bainhira arguidu la kumpri pena multa refere.

4. Krime kondusaun sein karta

Nú. Prosesu : 0013/21. VQSTR
Kompozisaun Tribunál : Singulár
Juís : Dr. Evangelino Belo
Prokuradór : Dr. Julio da Silva Correia
Defeza : Dr. Germano Guterres Ramos
Desizaun : Pena multa US\$90.00

Iha 15 Maiu 2023, Tribunál Judisiál Primeira Instánsia Baukau prezide julgamentu leitura sentensa ba krime kondúsaun sein karta envolve arguidu Graciano Rangel Soares Caldas Perreira hasoru Estadu RDTL, iha Munisípiu Vikeke.

Akuzasaun Prokuradór

Prokuradór akuza katak iha 07 Setembru 2021 iha oras tuku 19:30 kalan testemuña Vitoria Duarte hamutuk ho nia oan ba hola sasan iha loja no fila mai to'o iha madre sira rezidencia parte oin, arguidu kondús motor *Jupiter* soke testemuña nia kanotak rezulta monu ba rai, arguidu kondús motor la iha karta kondúsaun.

Prokuradór akuza arguidu kontra artigu 207 KP kona-ba kondúsaun sein karta ho moldura penál to'o tinan 3 ka multa.

Produsaun ba prova sira

Iha prosesu julgamentu, arguidu deklara katak faktu iha akuzasaun ne'e loos hotu momentu arguidu hetan asidente la iha karta kondúsaun no to'o agora mós sidauk iha karta kondúsaun, arrepende ninia hahalok no foin primeiravés mai hatan iha tribunál.

Alegasaun finál

Prokuradór haktuir katak arguidu provadu komete krime hasoru lezadu no arguidu rasik mós konfirma. Arguidu kondús motor hodi fó perigu ba ema seluk nia vida, tanba ne'e husu ba tribunál atu kondena arguidu ho pena multa US\$90.00 durante loron 90 ne'ebé kada loron sei selu sentavus 0.50.

Enkuantu defeza haktuir katak iha produsaun prova arguidu konfesa, arrepende ninia hahalok no foin primeiravés mai hatan iha tribunál. Tanba ne'e defeza mós konkorda ho prokuradór nia alegasaun.

Desizaun

Depoisde avalia faktu sira hotu, tribunál prova katak arguidu kondús motor la iha karta kondúsaun.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena multa US\$90.00 ne'ebé arguidu sei selu sentavus 0,75 kada loron durante loron 120. Tribunál mós fiksa pena alternativa ba arguidu durante loron 80 prizaun, bainhira arguidu la kumpri pena multa refere.

5. Krime hasoru flora no fauna

Nú. Prossesu : 0021/21. PDBAU
Kompozisaun Tribunál : Koletivu
Juís : Dra. Maria Modesta d. A. Viera
Prokuradór : Dr. Ambrosio Rangel Freitas
Defeza : Dr. Germano Guterres Ramos
Dezisaun : Pena multa US\$60.00

Iha 08 Maiu 2023 Tribunál Judisiál Primeira Instánsia Baukau prezide julgamentu leitura sentensa ba krime hasoru flora no fauna envolve arguida Juliana Freitas Gusmão hasoru estadu RDTL, iha Munisipiu Baukau.

Akuzasaun Prokuradór

Prokuradór akuza katak arguida antes tinan hira ba kotuk tesi rai subar ai-kameli (sandalu) iha nia hela fatin. Iha loron 28 Feveireiru 2021 iha oras 08:00 dadeer membru husi SIP (Servisu Intelijensia Polísia) ba husu arguida atu sosa ai-kameli nune'e arguida lori sira ba hatudu, hafoin SIP sira halo planu hamutuk ho polísia no halo partisipaun mai Ministériu Públiku hodi halo pedidu buska no aprensaun mai tribunál.

Prokuradór akuza arguidu Lorenzo da Costa kontra artigu 217 KP kona-ba hasoru flora no fauna konjuga ho artigu 24 husi lei nú.14/2017 no artigu 30 husi lei nú.6/2020 kona-ba atividade proibida, protesau no konservasaun spesie protejida.

Produsaun ba prova sira

Iha prosesu julgamentu arguida deklara katak nia rona ema tetu no sosa ai-kameli ne'e mak arguida mós ba taa ai-kameli iha nia toos laran, arguida arrepende ninia hahalok no foin primeiravés mai hatan iha tribunál.

Alegasaun finál

Prokuradór haktuir katak, ai-horis hanesan ai-kameli ne'e lei proteze la bele taa arbiru maibé arguida taa ai-kameli refere la iha autorizasaun. Tanba ne'e husu ba tribunál atu kondena arguidu ho pena multa US\$60.00 no husu mós ba tribunál atu objetu sira ne'e bele afavór ba estadu.

Entretantu defeza akresenta katak bazeia ba produsaun prova arguida konfesa, arrepende ninia hahalok foin primeiravés mai hatan iha tribunál. Tanba ne'e husu ba tribunál aplika pena ne'ebé maiz adekuaudu ba arguida.

Desizaun

Depoisde avalia faktu sira hotu, tribunál prova katak arguida komete duni krime flora no fauna. Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konkluí prosesu ne'e no kondena arguidu ho pena multa US\$60.00 ne'ebé arguidu sei selu sentavus 0,50 kada loron durante loron 120. Tribunál mós fiksa pena alternativa ba arguidu durante loron 80 prizaun, bainhira arguidu la kumpri pena multa refere.

6. Krime ofensa ba integridade física simples ho natureza violénsia doméstika

Nú. Prosesu : 0012/22. MNNTB
Kompozisaun Tribunál : Singulár
Juís : Dra. Maria Modesta d. A. Viera
Prokuradór : Dr. Ambrosio Rangel Freitas
Defeza : Dr. Grigório Maria Lourdes de Lima
Desizaun : Pena multa US\$50.00

Iha 15 Maiu 2023, Tribunál Judisiál Primeira Instásia Baukau prezide Julgamentu leitura sentensa ba kazu ofensa ba integridade física simples natureza violénsia doméstika envolve arguidu LdCP hasoru nia feen, iha Munisípiu Manatuto.

Akuzasaun Prokuradór

Prokuradór akuza katak iha 13 Setembru 2022 iha oras tuku 19:00 kalan arguidu tuku dala ida iha lezada nia hasan, tuku dala ualu iha lezada nia kotuk laran no tuku tán dala ida iha lezada nia matan parte okos rezulta matan hetan metan no bubu. Antes ne'e arguidu sai husi uma ba hemu tua to'o lanu todan no la fila mai uma nune'e lezada mós telefone ba arguidu, bainhira arguidu fila mai uma, arguidu la ko'alia buat ruma halo kedas agresaun hasoru lezada.

Prokuradór akuza arguidu kontra artigu 145 KP kona-ba ofensa ba integridade física simples ho nia moldura penál to'o tinan 3 ka multa kónjuga ho artigu 2, 3, 35(b) LKVD.

Produsaun ba prova sira

Iha prosesu julgamentu, arguidu deklarara katak faktu iha akuzasaun ne'e loos hotu, depoisde akontese sira di'ak malu fali, arrepende ninia hahalok no foin primeiravés mai hatan iha tribunál.

Entretantu lezada konfirma faktu katak hotu iha akuzasaun, depoisde akontese lezada ba fó hatene xefe suku mak xefe suku kontaktu Polísia no Polisia kontinua lori lezada ba sentru saúde Barike, di'ak malu ona no to'o agora la baku ona lezada.

Alegasaun finál

Prokuradór haktuir katak akuzasaun prokuradór prosedente provadu bazeia ba arguidu nia deklarasaun no lezada nia konfirmasaun ba akuzasun. Tanba ne'e husu ba tribunál fó pena multa US\$80.00 ba arguidu.

Entretantu defeza akresenta katak arguidu konfesa ba faktu sira hotu, di'ak malu ona, arrepende ninia hahalok no foin primeiravés mai hatan iha tribunál. Tanba ne'e husu ba tribunál atu fó pena ne'ebé maiz adekuadu ba arguidu.

Desizaun

Depoisde avalia faktu sira hotu, tribunál prova katak arguida komete duni krime hasoru lezada, arguidu tuku dala ida iha lezada nia hasan, tuku dala ualu iha lezada nia kotuk laran no tuku tán dala ida iha lezada nia matan parte okos rezulta matan hetan metan no bubu.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena multa US\$50.00 ne'ebé arguidu sei selu sentavus 0,50 kada loron durante loron 100. Tribunál mós fiksa pena alternativa ba arguidu durante loron 66 prizaun, bainhira arguidu la kumpri pena multa refere.

7. Krime omisídiu negligente no kondusaun sein karta

Nú. Prosesu : 0016/22. LASTR
Kompozisaun Tribunál : Singulár
Juís : Dr. José António d. Escurial
Prokuradór : Dr. Ambrosio Rangel Freitas
Defeza : Dr. Germano Guterres Ramos
Desizaun : Pena únika tinan 3 suspende ba tinan 3

Iha 08 Maiu 2023, Tribunál Judisiál Primeira Instánsia Baukau prezide julgamentu leitura sentesa ba kazu omisídiu negligente no kondúsaun sein karta ne'ebé envolve arguidu Armando da Silva Correia hasoru lezadu Osorio do Santos no Estadu RDTL, iha Munisípiu Lautein.

Akuzasaun Prokuradór

Prokuradór akuza katak iha, 04 Marsu 2022 iha oras tuku 22:00 kalan hafoin partisipa mini kampaña ba kandidatu LERE ANAN TIMOR nian iha Raimoko-Lospalos arguidu kondús kareta ho marka *Toyota truck* ho matrikula 60-071.tl tula ho apoiantes maizumenus nain 41 inklui lezadu. Arguidu halai ho velocidade makaas nune'e Agostoniho Maria Ximenes hanesan testemuña hakilar dehan "halai ne'eneik maibé arguidu kontinua halai makaas no bainhira to'o iha kurva área Dubulari arguidu lakon kontrolu nune'e rezulta kareta halai sai husi Estrada no soke ai-hun ida halo lezadu monu iha kareta oin no kareta sama lezadu halo lezadu mate kedas iha fatin, arguidu la iha karta kondúsaun. Iha serimonia funebru, arguidu mós kontribui sasan hanesan karau ida, fahi ida, fos saka 26 no kafé ho masin midar dos ida.

Prokuradór akuza arguidu kontra artigu 140 (1) KP kona-ba omisídiu negligente no artitgu 207 KP kona ba kondúsaun sein karta.

Produsaun ba prova sira

Iha prosesu julgamentu, arguidu konfesa faktu sira hotu iha akuzasaun depoisde akontese arguidu no patraun ajuda ona sasan ba lezadu nia serimonia funeral, arrepende ninia hahalok, foin primeiravés mai hatan iha tribunál.

Testemuña Antonio do Santos nu'udar lezadu nia maun depoimenta katak arguidu ne'e testemuña ho lezadu nia primu rasik, testemuña simu ona sasan sira husi arguidu hanesan iha akuzasaun.

Alegasaun finál

Prokuradór haktuir katak, arguidu provadu komete krime rua ne'ebé imputa ba nia, arguidu ajuda ona lezadu nia serimonia funeral. Tanba ne'e husu ba tribunál atu kondena arguidu ho krime omisídiu negligente ho pena prizaun tinan rua suspende ba tinan rua no kondena arguidu ba krime kondúsaun sein karta ho pena multa US\$120.00.

Enkuantu defeza haktuir katak bazeia ba produsauun prova arguidu konfesa, arrepende ninia hahalok no foin primeiravés mai hatan iha tribunál, tanba ne'e husu ba tribunál fó pena maiz adekuaudu ba arguidu.

Desizaun

Depoisde avalia faktu sira hotu, tribunál prova katak arguidu komete krime kondúsaun sein karta, arguidu lakon kontrolu no hetan asidente, kareta halai sai husu Estrada no soke ai-hun rezulta lezadu monu iha kareta oin no sama lezadu mate kedas iha fatin akontesementu.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena pena únika tinan tolu suspende ba tinan tolu.

8. Krime ofensa ba integridade fizika simples ho natutrezza violénsia doméstika

Nú. Prosesu : 0194/22. BCBCV
Kompozisaun Tribunál : Singulár
Juís : Dr. Evangelino Belo
Prokuradór : Dr. Ambrosio Rangel Freitas
Defeza : Dr. Germano Guterres Ramos
Desizaun : Pena prizaun fulan 8 suspende ba tina 1 fulan 2

Iha 19 Maiu 2023, Tribunál Judisiál Primeira Instánsia Baukau prezide julgamentu leitura sentensa ba kazu ofensa ba integridade fizika simples ho natutrezza violénsia doméstika ne'ebé envolve arguidu JCdC hasoru nia feen, iha Munisípiu Baukau.

Akuzasaun Prokuradór

Prokuradór akuza katak iha, Novembru 2019 iha oras tuku 10:00 dadeer arguidu tuku dala rua iha lezada nia ulun no basa dala rua iha lezada nia hasan parte loos, iha Setembru 2021 iha oras tuku 12:00 meiodia arguidu buti lezada nia kakorok no hanehan ba rai, iha 04 Dezembru 2022 iha oras tuku 11:00 dadeer arguidu tuku dala ida iha lezada nia liman parte karuk tuku dala rua iha lezada nia hirus matan parte loos. Antes ne'e

lezada atu lori sira nia oan ba lezada nia inan aman nia uma maibé arguidu lakohi, nune'e sira diskute malu arguidu nerbosu no halo agresaun hasoru lezada.

Prokuradór akuza arguidu konkursu krime kontra artigu 145 KP kona-ba ofensa ba integridade fizika simples ho natutreza violénsia doméstika ho moldura penál to'o tinan 3 ka multa, artigu 52 (l) KP kona-ba sirkunatsia agrvante jerál no artigu 35 (1) KP kona-ba krime iha konkursu kónjuga ho artigu 2 (a), 3 (b) no 35 (b) husi LKVD.

Produsaun ba prova sira

Iha prosesu julgamentu arguidu deklarata katak faktu ne'ebé imputa ba nia ne'e loos hotu, arguidu deklarata tan katak depoisde akontesementu sira di'ak malu kedas no to'o agora arguidu la baku ona lezada, arrepende ninia hahalok, foin primeiravés mai hatan iha tribunál no serbisu hanesan agrikultór rezultadu sustenta de'it ba família.

Entretantu lezada konfirma faktu hotu iha akuzasaun, akontese ikus lezada ba hela iha uma mahon durante semana ida lora ida no depoisde lezada fila husi uma mahon sira di'ak malu perante familia rua to'o agora arguidu la baku ona lezada.

Alegasaun finál

Prokuradór haktuir katak akuzasaun prokuradór prosedente provadu tanba arguidu komete konkursu krime hasoru lezada nu'udar nia feen tuir loloos arguidu mak proteze maibé kontrariu arguidu mak halo fali agresaun hasoru lezada. Tanba ne'e husu ba tribunál atu kondena arguidu ho pena únika tinan rua suspende ba tinan tolu.

Enkuantu defeza haktuir katak bazeia ba produsaun prova arguidu konfesa, arrepende ninia hahalok, di'ak malu ona ho lezada no to'o agora moris hamutuk nafain nu'udar feen-la'en no la baku ona lezada. Tanba ne'e husu ba tribunál fó pena ne'ebé maiz adekuadu ba arguidu.

Desizaun

Depoisde avalia faktu sira hotu, tribunál prova katak arguidu komete krime hasoru lezada, iha Novembru 2019 arguidu tuku dala rua iha lezada nia ulun no basa dala rua iha lezada nia hasan parte loos. Tribunál mós prova katak iha Setembru 2021 no Dezembru 2022 arguidu provadu komete krime hasoru lezada, arguidu buti lezada nia kakorok no hanehan ba rai, arguidu tuku dala ida iha lezada nia liman parte karuk tuku dala rua iha lezada nia hirus matan parte loos.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena únika fulan ualu suspende ba tinan ida fulan rua.

9. Krime ofensa ba integridade fizika simples ho natutreza violénsia doméstika

Nú. Prosesu : 0180/22.BCBCV
Kompozisaun Tribunál : Singulár
Juís : Dr. Evangelino Belo
Prokuradór : Dr. Ambrosio Rangel Freitas

Defeza : Dr. Grigório Maria Lourdes de Lima
Desizaun : Pena multa US\$45.00

Iha 22 Maiu 2023, Tribunál Judisiál Primeira Instánsia Baukau prezide julgamentu leitura sentensa ba kazu ofensa ba integridade fizika simples ho natureza violénsia doméstika envolve arguida VAB (lezadu nia feen primeiru) hasoru nia la'en FF, iha Munisípiu Baukau.

Akuzasaun Prokuradór

Prokuradór akuza katak iha, 07 Dezembru 2022 iha ora stuku 14:00 lokraik bainhira lezadu fila husi serbisu to'o iha uma, lezadu haree nia feen sigundu (Josefina) tanis tuur hela mak lezadu husu, nusá tuur hanesan ne'e Josefina hatan katak bin (arguida) mak baku hau. Hafoin lezadu ba kedas arguida nia uma hodi husu ba arguida maibé arguida hatan katak *aban bain rua ó lori kareta sei baku fila no ó sei mate, ó nia ruin soe ketak no besi soe ketak* nune'e lezadu kaer arguida nia liman dehan *ó nonok tiha orsida hau basa o nia ibun*, maibé arguida foti fatuk ida tuku kedas ba lezadu nia ren-toos rezulta kanek.

Prokuradór akuza arguidu kontra artigu 145 KP kona-ba ofensa ba integridade fizika simples ho natutrezza violénsia doméstika ho moldura penál to'o tinan 3 ka multa no kónjuga ho artigu 3 no 35 (b) husi LKVD.

Produsaun ba prova sira

Iha prosesu julgamentu, arguida deklara katak faktu sira iha akuzasaun ne'e loos hotu, forma família iha tinan 1989 no kaben igreja, iha oan nain sia, foin primeivés baku lezadu, depoide akontese liu fulan tolu mak di'ak malu fali no arrepende ninia hahalok.

Entretantu lezadu konfirma faktu sira hotu iha akuzasaun, lezadu iha feen rua, arguida mak feen primeiru, arguida ho oan sira hela iha uma ida no lezadu ho feen sigundu iha uma ida. Lezadu mak responsabiliza hotu feen nain rua ho oan sira,depoisde akontese sira di'ak malu fali.

Alegasaun finál

Prokuradór haktuir katak akuzasaun prokuradór prosedente provadu katak arguida komete krime ho natutrezza violénsia doméstika. Tanba ne'e husu ba tribunál atu kondena arguida ho pena admoestasaun.

Enkuantu defeza haktuir katak bazeia ba produsaun prova arguida konfesa, arrepende ninia hahalok, di'ak malu ona ho lezadu no to'o agora moris hamutuk hanesan feen-la'en no la baku ona lezadu. Tanba ne'e husu ba tribunál fó pena ne'ebé maiz adekuadu ba arguidu.

Desizaun

Depoisde avalia faktu sira hotu, tribunál prova katak arguida arguida foti fatuk ida tuku ba lezadu nia ren-toos rezulta kanek.

Bazeia ba faktu provadu sira ne'e hotu no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena multa US\$45.00 ne'ebé arguidu sei selu kada loron sentavus 0,50 durante loron 90. Tribunál mós fiksa pena alternativa ba arguidu durante loron 60 prizaun, bainhira arguidu la kumpri pena multa refere.

10. Krime ofensas ba integridade fizika simples ho natureza violénsia doméstika

Nú. Prosesu : 0085/22. BCBCV
Kopozisaun Tribunál : Singulár
Juís : Dr. Evangelino Belo
Prokuradór : Dr. Ambrosio Rangel Freitas
Defeza : Dr. Germano Guterres Ramos
Dezisaun : Pena multa US\$90.00

Iha 22 Maiu 2023 Tribunál Judisiál Primeira Intánsia Baukau prezide julgamentu leitura sentensa ba kazu ofensa ba integridade física simples ho natureza violénsia doméstika ne'ebé envolve arguidu JXF hasoru nia subriñu ho idade tinan 10, iha Munisípiu Baukau.

Akuzasaun Prokuradór

Prokurador akuza katak iha, 27 Maiu 2022 iha oras tuku 10:00 dadeer arguidu lori ai-kafé nia sanak baku dala rua iha lezadu nia ain parte karuk no baku dala rua iha ulun. Antes ne'e arguidu nia feen tolok lezadu no lezadu ba fó hatene nia inan nune'e arguidu nerbozu halo agresau hasoru lezadu.

Prokuradór akuza arguidu konkursu krime kontra artigu 145 KP kona ofensa ba integridade fizika simples ho natureza violénsia doméstika ho moldura penál to'o tinan 3 ka multa konjuga ho artigu 2(a), 3(c) no 35(b) husi LKVD.

Produsaun prova sira

Iha prosesu julgamentu, arguidu deklara katak faktu sira iha kauzasaun ne'e loos hotu, lezadu nu'udar nia subriñu rasik dezede tinan ida hela ho arguidu, agora eskola ona ne'e mak ba fali no hela iha nia inan iha vila nova Baukau depoisde akontese di'ak malu fali ho lezadu, arrepende ninia hahalok, foin primeiravés mai hatan iha tribunál no serbsiu nu'udar agrikultór-faan tomate ho rendementu seman ida bele hetan osan US\$30.00.

Alende ne'e, lezada kontinua konfirma faktu sira hotu iha akuzasaun no deklara katak depoisde akontese di'ak malu kedas, agora eskola no hela ho nia inan tanba nia aman ba serbisu iha nasaun inglatera no lezadu nafatin ba vizita arguidu nu'udar nia tiun.

Alegasaun finál

Prokuradór iha nia alegasaun katak arguidu konfesa faktu ne'ebé inputa ba nia, lezadu mós la hela hamutuk ona ho arguidu, promote sei la repete tán nia hahalok, maibé nafatin prevene arguidu nia hahalok ne'e iha futuro. Tanba ne'e husu ba tribunál atu kondena arguidu ho pena multa US\$60.00 no sei selu durante loron 60.

Entertantu defeza iha ninia alegasaun katak arguidu konfesa, di'ak malu ona ho lezadu, arrepende ninia hahalok no foin primeivés mai hatan iha tribunál. Tanba ne'e husu ba tribunál atu fo pena maiz adekuadu ba arguidu.

Desizaun

Depoisde avalia faktu sira hotu, tribunál prova katak arguidu halo agresaun hasoru lezadu, lori ai-kafé nia sanak baku dala rua iha lezadu nia ain parte karuk no baku dala rua iha ulun.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena multa US\$90.00 ne'ebé sei selu US\$1.00 kada loron durante loron 90. Tribunál mós fiksa pena alternativa ba arguidu durante loron 60 prizaun, bainhira arguidu la kumpri pena multa refere.

11. Krime maus-tratus ba kónjuje no arma brankas

Nú. Prosesu : 0070/21.LASIC
Kompozisaun tribunál : Kolektivu
Juís : Dra. Maria Modesta d. A. Viera, Dra. Sribuana da Costa no
Dr. Evangelino Belo
Prokuradór : Dr. Julio da Silva Correia
Defeza : Dr. Grigório Maria Lourdes de Lima
Desizaun : Pena únika tinan 3 supende ba tinan 3

Iha 25 Maiu 2023, Tribunál Judisiál Primeira Instánsia Baukau prezide julgamentu leitura akordaun ba krime maus-tratus ba kónjuje no arma brankas envolve arguidu RP hasoru nia feen, iha Munisípiu Lautein.

Akuzasaun Prokuradór

Prokuradór akuza katak iha 17 Setembru 2021 iha oras tuku 21:00 kalan arguidu basa dala ida iha lezada nia ren-toos, tebe dala ida iha lezada nia hirus matan no lori diman atu sona lezada, maibé la konsegue tanba sira nia oan hakneak hodi hakuak arguidu nia ain husu arguidu atu labele sona lezada.

Iha 18 Setembru 2021 dadeer lezada husu osan ba arguidu maibé arguidu la fó nune'e lezada hamutuk ho nia oan feto ba loja hodi desvia problema. Bainhira lezada ho nia oan feto fila husi loja to'o uma maizumenus iha oras tuku 10:00 dadeer arguidu aruma tiha lezada nia roupa tau hamutuk iha karon hodi tau iha varanda nune'e lezada foti nia roupa refere hodi ba tau iha au-okos no toba de'it iha au-okos durante loron haat no han de'it talas.

Prokuradór akuza arguidu kontra artigu 154 KP kona-ba maus-tratus ba kónjuje ho moldura penál tinan 2 to'o tinan 6 konjuga ho artigu 2, 3, 35(a) no 36 LKVD no artigu artigu 2 nº 1 (b) nº 2 (b) no artigu 20 (1) Lei Arma Brankas.

Produsaun prova sira

Iha produsaun ba provas arguidu deklara katak faktu ne'ebé akontese iha 17 Setembru 2021 ne'e loos hotu. Antes ne'e lezada halo rahun hotu sasan uma laran. Nune'e mós akontesementu iha 18 Setembru 2021 arguidu ba serbisu baku fatuk atu faan, kuaze lora rua to'o lora tolu tui-tuir malu, bainhira arguidu fila husi serbisu no arguidu husi hahan atu han maibé lezada la tein hahan, ne'e mak arguidu hirus hasai tiha lezada nia rupa ba tau iha varanda, lezada foti nia rupa hodi ba toba iha au-hun, arguidu bolu lezada maibé lezada lakohi fila mai uma. Di'ak malu ona, arrepende ninia hahalok no foin primeiravés mai hatan iha tribunál.

Entretantu lezada deklara katak iha 17 Setembru 2021 arguidu ho kondisaun lanu mai baku de'it lezada, arguidu foti tán diman atu sona lezada maibé lakonsegue sona tanba sira nia oan hakuak netik arguidu nia ain. Nune'e mós akontesementu iha 18 Setembru 2021 lezada konfirma ho akuzasaun, di'ak malu ona, agora moris hamutuk hanesan feen-laen no la baku ona lezada.

Alegasaun final

Prokuradór haktuir katak arguidu konfesa faktu integralmente lezada mós konfirma, arguidu provadu halo tratamentu la dignu ba lezada no arguidu mós provadu komete krime arma brankas, uza diman hodi ameasa lezada. Tanba ne'e husu ba tribunál aplika pena únika tinan tolu suspende ba tinan tolu.

Entertantu defeza haktuir katak iha produsaun prova arguidu konfesa integralmente, di'ak malu ona, arrepende ninia hahalok. Tanba ne'e husu ba fó pena maiz adekuadu ba arguidu.

Desizaun

Depoizde avalia faktu sira hotu, tribunál prova arguidu komete krime maus-tratus ba kónjue no krime arma brankas, lori diman atu sona lezada maibé la konsegue sona tanba sira nia oan hakneak hodi hakuak arguidu nia ain husu atu la bele sona lezada.

Tribunál mós prova katak arguidu aruma tiha lezada nia rupa tau hamutuk iha karon hodi tau iha varanda no lezada foti fali nia rupa hodi ba tau iha au-okos no toba durante lora haat han de'it talas.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena únika tinan tolu suspende ba tinan tolu.

12. Krime hasoru flora no fauna

Nú. Prosesu	: 0089/21.LASIC
Kopozisaun Tribunál	: Singulár
Juís	: Dr. José Q.S.Celestino
Prokuradór	: Dr. Julio da Silva Correi

Defeza : Dr. Antonio Fernandes
Desizaun : Pena multa kada arguidu US\$60.00

Iha 26 Maiu 2023 Tribunál Judisiál premeira Instánsia Baukau prezide julgamentu leitura sentensa ba krime hasoru flora no fauna, envolve arguidu Osvaldo Laranjinha, Antonio portela, Lucas Roberto, Carlos da Costa, hasoru Estado RDTL, iha Munisipíu Lautein.

Akuzasaun Prokuradór

Prokuradór akuza katak iha loron no fulan ne'ebé la apuradu, tinan 2021, arguidu Osvaldo Laranjina, Antonio Protela no Lucas Roberto tesi ai-kameli hodi faan ba arguidu Carlos da Costa iha Lautein ho folin kada kilo ho valór US\$6.00.

Arguidu Carlos da Costa rasik laiha lisensa husi autóridade ambientál atu sosa no faan ai-kameli ne'ebé protezidu. Iha 16 Dezembru 2022 iha oras tuku 15:30 lokraik, Raimundo da Cruz hanesan Xefe Departementu Representa Teritorial Floresta kafé no plantas Ilustrais Lautein simu informasaun katak ema tesi ai-kameli no atu lori ba faan iha Lospalos Vila.

Iha loron 17 Dezembru 2022 iha oras tuku 15:30 Guarda Floresta Albino Pereira ho Denis Magalhães hamutuk ho OPS (Ofisiál Polísia Suku) Lore I no Lore II halo pasa revista ba kareta no motor ne'ebé liu iha dalan suku Lore, postu Administrativu Lospalos Munisipiu Lautein no hetan arguidu Osvaldo Laranjina, Antonio portela no Lucas Roberto tula sira nia ai-kameli iha kareta truk ida no Guarda ho OPS ne'e halo kedas apreensaun no apresenta partisipasaun ba polísia.

Arguidu Osvaldo lori ai-kameli tau iha dos *supermie* nian ne'e haat, pasta bot ida no pasta ki'ik ida, arguidu Antonio Protela lori ai-kameli dos *supermie* ida ho dos *bimoli* ida ne'ebé hatama fali ba karon fos nian rua no arguidu Lucas Roberto lori ai-kameli dos *supermie* ida.

Konsekuensia husi arguidu sira nia asaun ne'e estraga ai-horis protezida no la obedese ba lei ne'ebé proteze ai-kameli hanesan ai-horis protezidu.

Arguidu Osvaldo Larabjina, Antonio Portela no Lucas Roberto hatene katak tesi ai-protezidu no faan sein iha autorizasaun no bele rezulta ai-kameli hotu.

Arguidu Carlos da Costa hatene katak nia laiha lisensa husi autóridade competente atu sosa no faan ai-protezida maibé nia sosa nune'e nia kolobora ho arguidu Osvaldo Laranjinha, Antonio portela, Lucas Roberto, hodi tesi no faan ba nia hodi hetan lukru.

Prokuradór akuza arguidu Osvaldo Laranjinha, Antonio Portela, Lucas Roberto no Carlos da Costa komete krime ho ko-autoria kontra artigu 217 nú 1 husi KKP kona-ba flora no fauna kónjugadu ho artigu 24 husi Lei nú 14/2017 no artigu 30 ho 31 husi Dekretu Lei nú 6/2020.

Produsaun prova sira

Iha produsaun prova sira arguidu Osvaldo Laranjinha konfesa integralmente ba faktu sira hotu, iha tinan 2021 sira faan duni ai-kameli ba Carlos no hetan osan US\$70.00. Iha 2022 sira la konsegue faan tanba prenda tiha ai-kameli ne'ebé arguidu rai iha ninia toos laran. Arguidu deklarata katak ai-kameli ne'e nia la kuda, maibé antes ne'e, desde husi nia aman no nia avo ai-kameli ne'e iha ona sira nia rai-toos laran, área mahili suku Lore I. Arguidu mós deklarata katak ai-kameli ne'e faan ho folin hira nia mós lahatene tanba polísia prenda ona.

Arguidu Antonio Portela konfesa integralmente ba faktu sira hotu, arguidu deklarata iha 2021 no iha 2022 arguidu faan duni ai-kameli no iha momentu ne'e polísia prenda tiha. Arguidu deklarata katak ai-kameli ne'e nia rai iha nia toos laran duni no antes ai-kameli ne'e iha ona desde husi nia avo sira, ai-kameli ne'e nia tau iha dos supermi ne'e ida no dos mina bimoli ne'e no ida ne'ebé seidak faan.

Arguidu mós deklarata iha 2021 nia faan ba Carlos no hetan osan US\$20, iha 2022 arguidu la faan no la hetan osan tanba polísia prenda ona. Ai-kameli ne'e kolokadu iha área Ocolafaek suku Lore no ai-kameli ne'e agora sei iha nafatin no la tesi tan ona no sei moris nafatin iha to'os laran.

Arguidu Lucas Roberto deklarata integralmente ba faktu sira hotu, arguidu deklarata katak iha 2021 nia ba faan duni ai-kameli hamutuk dos supermi ne'e ida ho osan US\$109 no iha 2022 arguidu la konsegue faan ai-kameli tanba polísia prenda tiha ai-kameli ne'e. Arguidu mós deklarata nia lataa ai-kameli ne'ebé kuda iha nia aman-inan nia rai no to'os laran, antes ai-kameli ne'e iha keda ona iha área Lore Carowei suku Loresa, sira faan ai-kameli ne'e tanba Carlos mak haruka sira faan.

Arguidu Carlos da Costa konfesa integralmente ba faktu sira hotu, arguidu deklarata iha 2021 nia ba sosa ai-kameli iha Antonio no faan dala ida ho folin kilo ida US\$6. Momentu hola iha Antonio, Lucas, Osvaldo kilo hira nia haluha ona no nia halo hanesan ne'e la'os ema ruma obriga maibe situasaun mak obriga hodi buka ninia moris no nia ba sosa tiha faan fali ba Alfredo ho folin kilo ida hetan US\$8, \$10, liu mak US\$12 no Carlos mós hateten antes ne'e nia serbisu ba kompañia ida kona-ba ai-kameli nian no ikus ema koñese nia hodi ai-kameli ba faan iha nia no ai-kameli ne'e la barak iha karon 5 deit.

Alegasaun finál

Prokuradór haktuir katak arguidu Osvaldo Laranjinha, Antonio portela, Lucas Roberto, Carlos da Costa komete krime hasoru Flora. Prokuradór konsidera akuzasaun provadu no haree mós ba sirkunstasia hotu no arguidu sira rasik konfesa, arrepende sira nia hahalok no foin primeiravés mai hatan iha tribunál. Husu ba tribunál kondena arguidu Antonio, Lucas no Osvaldo ho pena prizaun tinan ida suspende ba tinan ida no kondena arguidu Carlos ho pena prizaun fulan neen suspende ba tinan ida.

Eterntantu defesa haktuir katak arguidu konfesa integralmente faktu sira hotu iha akuzasaun, arguidu Antonio, Lucas no Osvaldo foti ai-kameli iha sira nia toos rasik mak faan ba arguidu Carlos. Arguidu sira faan ai-kameli hodi bele sustenta família sira nia

nesisidade, sira nia sala mak tanba la iha lisensa husi orgaun kompetente. Tanba ne'e husu ba tribunál aplika pena multa minimu ba arguidu sira.

Desizaun

Depoisde avalia faktu sira hotu, tribunál prova katak akuzasaun prokuradór provadu hotu bazeia ba produsaun prova sira ne'ebé produs iha audénsia julgamentu.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu sira ho pena multa ba kada arguidu US\$60.00 ne'ebé arguidu sei selu US\$1.00 kada loron durante loron 60. Tribunál mós fiksa pena alternativa ba arguidu durante loron 40 prizaun, bainhira arguidu la kumpri pena multa refere.

13. Krime ofensa ba integridade fízika simples ho natureza violénsia doméstika

Nú. Prosesu : 0010/22. BCLGA
Kompozisaun Tribunál : Singulár
Juís : Dr. José António d. Escurial
Prokuradór : Dr. Ambrosio Rangel Freitas
Defeza : Dr. Marçal Gama (advogadu privadu)
Desizaun : Pena multa US\$30.00

Iha 29 Maiu 2023, Tribunál Judisiál Primeira Instánsia Baukau prezide Julgamentu leitura sentensa ba kazu ofensa ba integridade fízika simples natureza violénsia doméstika envolve arguidu VG hasoru nia feen, iha Munisípiu Baukau.

Akuzasaun Prokuradór

Prokuradór akuza katak iha 18 Novembru 2022 iha oras tuku 06:30 lokraik arguidu tuku dala ida iha lezada nia matan fuku parte karuk rezulta kanek, ran sai no moras, depoisde akontese sira lahela hamutuk to'o agora. Antes ne'e lezada blokeia arguidu nia número telefone iha lezada nia telefone, arguidu ho lezada diskute malu, arguidu nerboso no halo agresaun hasoru lezada.

Prokuradór akuza arguidu kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa kónjuga ho artigu 2, 3, 35(b) LKVD.

Produsaun ba prova sira

Iha prosesu julgamentu, arguidu deklara faktu sira hotu iha akuzasaun, arguidu deklaraduarnte moris hamutuk husi tinan 2007 no iha oan nain haat foin primeiravés baku lezada, depoisde akontesementu lezada moris separa ho arguidu to'o agora maibé arguidu nafatin konsidera lezada nu'udar nia feen, arrepende ninia hahalok foin mak mai hatan iha tribunál no serbisu hanesan Xefe aldeia no hetan subsidiu kada fulan US\$115.00.

Alende ne'e, lezada konfirma faktu sira hotu iha akuzasaun, depoisde akontese seidak di'ak malu to'o agora no lezada decide hakarak sira haree de'it labarik nain haat.

Alegasaun finál

Prokuradór haktuir katak arguidu provodu komete krime ne'ebé inputa ba nia no arguidu nia hahalok ne'e hodi lezada deside moris separa ho arguidu. Haree ba arguidu nia rendementu nune'e husu ba tribunál fó pena multa US\$80.00 ba arguidu.

Entretantu defeza akresenta katak arguidu konfesa faktu sira hotu no sira moris hamutuk kleur ona foin primeiravés halo agresaun hasoru lezada, depoisde akontese arguidu tenta nafatin atu di'ak malu ho lezada maibé lezada mak lakohi no arguidu arrepende ninia hahalok. Tanba ne'e husu ba tribunál atu aplika pema ne'ebé maiz adekuadu ba arguidu.

Desizaun

Depoisde avalia faktu sira hotu, tribunál prova katak arguidu halo agresaun hasoru lezada, arguidu tuku dala ida iha lezada nia matan fukun parte karuk rezulta kanek, ran sai no moras.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu sira ho pena multa ba kada arguidu US\$30.00 ne'ebé arguidu sira sei selu US\$1.00 kada loron durante loron 30. Tribunál mós fiksa pena alternativa ba arguidu sira durante loron 20 prizaun, bainhira arguidu sira la kumpri pena multa refere.

14. Krime ofensa ba integridade fízika simples ho natureza violénsia doméstika

Nú. Prosesu : 0023/22. BCEVN
Kompozisaun Tribunál : Singulár
Juís : Dr. José António d. Escurial
Prokuradór : Dr. Ambrosio Rangel Freitas
Defeza : Dr. Albino de Jesus Perreira
Desizaun : Pena multa US\$30.00

Iha 29 Maiu 2023, Tribunál Judisiál Primeira Instánsia Baukau prezide Julgamentu leitura sentensa ba kazu ofensa ba integridade fízika simples natureza violénsia doméstika ne'ebé envolve arguidu PLP hasoru nia feen iha Munisípiu Baukau.

Akuzasaun Prokuradór

Prokuradór akuza katak Iha 12 Outubru 2022 meiodia arguidu tuku, tebe lezada nia kotuk laran, rakut fuuk no silu lezada nia liman hodi riba ba rai rezulta lezada oin nakukun. Antes ne'e arguidu haruka lezada prepara hahan meiodia nian no lezada mós tama ba dapur hodi prepara hahan, lezada mós fó hatene ba arguidu atu habai lai sira nia roupa, arguidu lasimu tama dapur laran no halo agresaun hasoru lezada.

Prokuradór akuza arguidu kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa kónjuga ho artigu 2, 3, 35(b) LKVD.

Produsaun ba prova sira

Iha prosesu julgamentu, arguidu deklaratu faktu sira hotu iha akuzasaun, arguidu deklaratu depois akontesementu, bainhira sira iha eskuadra Polísia Venilale sira di'ak malu kedas no fila hamutuk ba uma moris hamutuk nafatin no to'o agora la baku ona lezada, arrepende ninia hahalok, foin primeiravés mai hatan iha tribunál no serbisu nu'udar agrikultór rezultadu hodi sustenta de'it ba família.

Alende ne'e, lezada deklaratu katak iha momentu ne'e lezada prepara hahan iha dapur derepente arguidu ba tuku dala ida iha lezada nia kotuk laran, tebe dala ida iha kidan, rakut lezada nia fuuk, silu lezada nia liman riba ba rai rezulta lezada lakon konsensia, lezada ba halo tratamentu iha sentru saúde Venilale simu ai-moruk fila ba uma.

Alegasaun finál

Prokuradór haktuir katak akuzasaun prokuradór prosedente provadu bazeia ba arguidu nia deklarasaun no lezada nia konfirmasaun ba akuzasun. Tanba ne'e husu ba tribunál fó pena multa US\$60.00 ba arguidu.

Entretantu defeza akresenta katak arguidu konfesa faktu sira hotu iha akuzasaun sira di'ak malu kedas bainhira sira iha Polísia, arrepende ninia hahalok no foin primeiravés mai hatan iha tribunál. Tanba ne'e husu ba tribunál atu aplika pena multa ba arguidu.

Desizaun

Depoisde avalia faktu sira hotu, tribunál prova katak arguidu arguidu tuku dala ida iha lezada nia kotuk laran, tebe dala ida iha kidan, rakut lezada nia fuuk, silu lezada nia liman riba ba rai rezulta lezada lakon konsensia.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu sira ho pena multa ba kada arguidu US\$30.00 ne'ebé arguidu sei selu US\$1.00 kada loran durante loran 30. Tribunál mós fiksa pena alternativa ba arguidu durante loran 20 prizaun, bainhira arguidu la kumpri pena multa refere.

15. Krime koasaun seksuál (Adelina)

Nú. Prosesu	: 0043/20.LASIC
Kopozisaun Tribunál	: Koletivu
Juís	: Dra. Maria Modesta Viera, Dra. Sribuana da Costa no Dr. Evangelino Belo
Prokuradór	: Dr. Ambrosio Rangel Freitas
Defeza	: Dra. Laura Valente Lay
Desizaun	: Pena prizaun tinan 1 suspende ba tinan 1

Iha 29 Maiu 2023 Tribunál Judisiál premeira Instánsia Baukau prezide julgamentu leitura akordaun ba krime koasaun Seksuál, envolve arguidu JdC, hasoru Lezada NMX, iha Munisípiu Lautein.

Akuzasaun Prokuradór

Prokuradór akuza katak, iha 20 Juñu 2020, iha oras 21:00 kalan arguidu ho nia kolega nain rua sosa sigaru iha kioske, depois, nia kolega nain rua ne'e fila, arguidu subar hela iha kioske kotuk, derepente sai husi kioske kotuk, dada lezada nia fuuk no silu lezada nia liman loos ba kotuk, hakuak lezada husi kotuk, depois loke lezada nia jaket no buti lezada nia hirus matan parte karuk, lezada nia inan haree no hakilar kedas, arguidu husik lezada no halai, lezada nia inan tenta duni tuir maibé nia halai tama iha Merkadu laran no la toman arguidu.

Prokuradór akuza arguidu kontra artigu 171 KP kona-ba koasaun seksuál.

Produsaun prova sira

Iha produsaun provas arguidu parsialmente katak faktu balun loso no balun la loos. Arguidu deklara katak iha 20 Juñu 2020 iha oras tuku 09:00 kalan momentu ne'e nia la la'o hamutuk ho kolega nain rua ne'e maibé iha kiooke mak sira hetan malu mak sira la'o hamutuk ba hola tiha sigaru hafoin mak kolega nain rua ba tiha uma arguidu hein hela tum-tum iha kios ne'e atu fila ba uma no lezada mós iha momentu ne'e tur hela iha motor leten ho feto ida maibé arguidu la koñese. Arguidu deklara momentu ne'e lezada tur hela iha motor leten fila kotuk no arguidu haree lezada atu monu, nune'e arguidu kaer netik iha bagasi selin kotuk no kaer iha lezada nia liman hodi salva lezada nune'e lezada nia inan hakilar fali dehan nusá ó rasta hau nia ona nia fuuk. Iha momentu ne'e lezada nia inan hamri'ik ho distansia metru sanulu hanesan ne'e mak ko'alia. Arguidu mós halai tanba iha lezada sira nia bairu tauk ema baku nia. kuiñese lezada tanba antes arguidu serbisu iha lezada nia bairu laran maibé nunca hasee malu, akontese liu laron ida arguidu ho nia família ba lezada nia uma no sira konsegue resolve duni tuir kultura no dame malu ona, arguidu ho nia família lori karau rua ho fahi ida no agora di'ak malu ona.

Tribunál la rona lezada tanba tuir dokumentu lezada iha ona sertidaun obítu katak lezada mate tiha ona.

Testemuña deklara katak momentu akontese laron no fulan haluha ona, tinan 2022 akontese arguidu hemu tua, testemuña mós la hatene tanba ba tiha suku fuiluro momentu ne'e tempu covid19 no nia mos la koñese arguidu depois fila ba uma haruka lezada ho nia bin aruma hela sasan derpente nia haree ho matan arguidu rasta lezada nia fuuk no lezada jaket hodi kaer nia hirus matan. Testemuña depoimenta katak nia haree ho matan no nia hamri'ik besik kedas hodi si'ak arguidu no arguidu halai husi fatin ne'e maske sira koko duni tuir maibé lakonsegue kaer arguidu no buka la hetan. Hafoin iha aban fali mak arguidu ho nia famíli ba buka atu resolve ho lezada nia família tuir kultura no arguidu sira fó karau timor ida, karau baka ida, fahi ida no mós lezada nia inan-aman sira oho fahi ida hodi han hamutuk.

Alegasaun finál

Prokuradór haktuir katak iha produsaun prova arguidu konfesa parsialmente ba faktu sira, mezmú lezada mate ona maibé testemuña konfirma akuzasaun. Parte seluk arguidu ho família buka resolve problema ho rezultadu arguidu fó sala karau rua no fahi ida, ne'e hatudu katak arguidu halo sala hasoru lezada, prokuradór intende katak akuzasaun

prokuradór prosedente provadu no haree mos sirkuntasia sira hotu husu tribunál halo ekstra-ordinariu hodi kondena arguidu ba pena prizaun tinan ida suspende ba tinan ida.

Enkuantu defeza haktuir katak arguidu nega faktu sira ne'ebé Prokuradór imputa ba nia, iha momentu ne'e nia intensaun atu ajuda lezada tanba lezada tuur iha motor leten atu monu nune'e arguidu ajuda kaer iha motor nia selin no kaer kona iha lezada nia liman. Prokuradór akuza arguidu ho krime koasaun seksuál, mesmu lezada mate ona maibé rona depoimentu husi testemuña.

Defeza dúvida ho testemuña nia deklarasaun tanba iha nia depoimentu antes depoimenta katak lezada ho nia bin aruma sasan iha meza no tribunál konfirma fila-fali dehan lezada ho nia bin aruma sasan rona lezada nia bin hakilar mak testemuña rona. Testemuña koko bosok, hodi la konsistensia ho nia depoimentu, nune'e Prokuradór akuza arguidu la provadu nune'e husu ba tribunál atu absolve arguidu husi krime ne'e.

Desizaun

Depoisde avalia faktu sira hotu, tribunál prova katak tuir testemuña arguidu rasta lezada nia fuuk no loke jaket hodi kaer lezada nia hirus matan no haree ho matan no hamri'ik hodi si'ak ikus arguidu halai. Arguidu nega maibé antes sira resolve hodi arguidu fó sala karau ida ba lezada.

Bazeia ba faktu provadu sira ne'e no tetu mós sirkunstánsia atenuante sira hanesan foin primeiravés mai hatan iha tribunál, di'ak malu ona ho lezada. Nune'e tribunál konklui prosesu no kondena arguidu ho pena prizaun tinan ida suspende ba tinan ida.

16. Krime hasoru flora no fauna (Adelina)

Nú.Prosesu : 0041/22.BCSIC
Kopozisaun Tribunál : Singulár
Juís : Dr. José Q.S.Celestino
Prokuradór : Dr. Julio da Silva Correia
Defeza : Dr. Sidonio Sarmiento
Desizaun : Pena multa US\$30.00

Iha 30 Maiu 2023 Tribunál Judisiál premeira Instánsia Baukau prezide julgamentu leitura sentensa ba krime hasoru flora no fauna, ne'ebé envolve arguidu Inocencio da Silva Belo no Elvino da Silva, hasoru Estado RDTL, iha Munisipíu Baukau.

Akuzasaun Prokuradór

Prokuradór akuzasa katak iha loron 28 fulan Outubru tinan 2022, iha oras tuku 20:24, arguidu Inocencio ho nia alin Elvino, ba taa ai-kameli hun ida iha área Waiono Waisa, Caisido.

Momentu ne'e, arguidu sira tesi, sabir ho katana no ké ai-kameli nia hun sai husi rai mak arguidu sira tesi hamutuk sai pedasuk tolu nulu resin neen, hafoin arguidu sira rai iha karon laran lori ba sira nia uma atu faan hodi sustenta ba família uma laran.

Prokuradór akuza arguidu sira ko-autór kontra artigu 217 nú 1 husi KKP kona-ba hasoru flora no fauna kónjugadu ho artigu 24 husi Lei nú 14/2017 no artigu 30 ho 31 husi Dekretu Lei nú 6/2020.

Produsaun prova sira

Iha produsaun provas arguidu Inocencio konfesa integralmente iha momentu ne'e tesi duni no ké sai hotu ai kameli nia abut sai hotu no hodi tau di'ak ema ruma buka tetu karik hodi fó ba no arguidu la hatene atu husu lisensa no ai-kamreli sira taa iha área Waiwono Waisa nia iha rai fuik ai-laran no ai-kameli ne'e sira la kuda no la hatene lei bandu no mós ai-kameli lakonsegue faan tanba polísia prende tiha no arguidu la hatene atu faan ba sé tanba sira la'o mak hetan sira ké duni karon ida hodi rai hela karik ema ruma buka atu tetu mak sira hodi fó ba no sira rona husi ema seluk dehan ai-kameli ne'e folin no ema seluk mak hodi halo keisa ba polísia hodi ba foti ai-kameli karon ida.

Arguidu Elvino konfesa integralmente, iha momentu ne'e arguidu tesi duni no ké sai hotu ai-kameli nia abut no rai ho didiak, sé ema ruma buka tatu etu karik hodi bele faan. Arguidu deklara nia la hatene atu husu lisensa no ai-kameli ne'e sira taa iha área Waiwono Waisa, iha rai fuik ai-laran no ai kameli ne'e sira la kuda no la hatene lei bandu no mós ai-kameli ne'e lakonsegue faan tanba polísia prende tiha no arguidu la hatene atu faan ba sé tanba sira la'o mak hetan ai-kameli ne'e no sira kee duni karon ida hodi rai hela karik ema ruma buka atu tetu mak sira faan no bainhira sira rona husi ema seluk dehan ai-kameli ne'e folin no ema seluk mak halo keisa ba polísia hodi ba prende ai-kameli karon ida no agora ba oin sira la ké tan ona.

Alegasaun finál

Prokuradór haktuir katak arguidu Inocencio da Silva Belo no Elvino da Silva ho krime flora no fauna prokuradór entende akuzasaun provadu no haree mos ba sirkunstánsia hotu, arguidu sira konfesa katak iha 28 outubru sira nain rua ba iha área Wiwono kaisido sira ké ai-kameli hun boot no tesi tau ba karon no lori ba uma. Arguidu sira konfesa katak sira ké ai-kameli nunca halo lisensa ba ministériu floresta tanba sira la hatene no sira ké ai-kameli ne'e hodi rai didiak nune'e karik ema ruma buka atu tetu, sira bele faan. Prokuradór bazeia ba arguidu sira nia deklarasaun hotu nunee arguidu nain rua priense duni krime kona-ba flora fauna, lei nú 14/2017 tanba arguidu sira fokit no ké ai-kameli ne'ebé estadu bandu sein autorizasau no prokuradór akuza arguidu nain rua ho moldura penál tinan 3 no multa.

Etrentantu parte defeza iha nia alegasaun katak arguidu konfesa integralmente no kolabora ho tribunál, arguidu sira foin mak mai hatan iha tribunál no sira komete krime ne'e tanba sira la hatene, bazia ba sirkunstánsia hotu nune'e husu ba tribunál atu aplika pena ne'ebé mak adekuadu ba arguidu sira.

Desizaun

Depoisde avalia faktu sira hotu, tribunál prova katak arguidu sira komete duni krime flora no fauna ho katana sira tesi, sabir no ké ai-kameli nia hun sai husi rai mak arguidu sira

tesi no tau hamutuk sai pedasuk tolu nulu resin neen, hafoin arguidu sira rai iha karon laran lori ba sira nia uma atu faan hodi sustenta sira nia familia uma laran.

Bazeia ba faktu provadu sira ne'e no tetu mos sirkunstansia atenuante sira hanesan arguidu konfesa, arrepende ninia hahalok, foin primeiraves mai hatan iha tribunál. Nune'e tribunál konklui prosesu ne'e no kondena arguidu sira ho pena multa ba kada arguidu US\$30.00 ne'ebé arguidu sei selu US\$1.00 kada laron durante laron 30. Tribunál mos fiksa pena alternativa ba arguidu durante laron 20 prizaun, bainhira arguidu la kumpri pena multa refere.

17. Krime ofensas integridsde fizika simples ho natureza violensia doméstika

Nú. Proesu : 0158/22.BCBCV
Kopozisaun Tribunál : Singulár
Juís : Dr. José Q.S.Celestino
Prokuradór : Dr. Julio da Silva Correia
Defeza : Dr. Antonio Fernandes
Desizaun : Pena multa US\$30.00

Iha 30 Maiu 2023 Tribunál Judisial Premeira Instansia Baukau prezide julgamentu leitura sentensa ba krime ofensas ba integridade fizika simples ho natureza violensia doméstika ne'ebé envolve arguidu JdS hasoru nia feen, iha Munisípiu Baukau.

Akuzasaun Prokuradór

Prokuradór akuzasa katak iha kuarta feira 02 Novembru tinan 2022 iha oras tuku 15:00 lokraik arguidu tuku dala ida iha lezada nia matan fukun parte loos rezulta moras no bubu. Antes ne'e arguidu husu osan US\$50.00 ba lezada atu ba sosa modo ba laron fiñadu.

Prokuradór akuza arguidu kontra artigu 145 KP kona-ba ofensa ba integridade fizika simple ho moldura penál to'o tinan 3 ka multa kónjuga ho artigu 2, 3 no 35 hosi Lei Nú 7/2010, LKVD.

Produsaun prova sira

Iha produsaun prova sira arguidu deklara katak arguidu husu osan US\$50.00 ba lezada hodi sosa modo atu ba fiñadu iha nia inan-aman nia uma maibé lezada hatan no ko'alia barak loos ne'e mak arguidu nerbozu tuku dala ida iha lezada nia matan fukun parte loos, arguidu kous sira nia oan ba hela tiha iha nia inan-aman nia uma liu semana ida sira di'ak malu fali no to'o agora la baku ona lezada, arrepende ninia hahalok no foin primeiraves mai hatan iha tribunál.

Alende ne'e, lezada konfirma faktu no montivasaun iha akuzasaun, akontese ne'e baku duni lezada bubu de'it iha matan fukun parte loos no lezada ba halo tratamentu iha ospital simu aimoruk liu laron ida di'ak malu fali no arguidu komete krime tanba de'it husu osan US\$50.00 nia hatan osan la iha maibé osan iha hela lezada mak la kohi fó. Arguidu hakarak laron fiñadu ne'e atu han hamutuk iha nia inan aman no liu semana ida mak sira

di'ak malu fali no antes arguidu la halo agresaun ruma hasoru lezada, di'ak malu ona no to'o agora arguidu la baku ona lezada.

Alegasaun finál

Prokuradór haktuir katak iha produsaun prova arguidu konfesa faktu sira hotu iha akuzasaun no konfirma husi lezada, arguidu komete krime ne'e tanba de'it husu osan nia la fó baku duni iha nia matan fukun bubu no metan no sira diak malu liu semana ida no priense duni elementus krime, nune'e prokuradór intende akuzasaun provadu sein rezerva, tanba ne'e husu ba tribunál kondena arguidu ba pena multa US\$30.00

Enkuantu defeza haktuir katak bazeia ba produsaun prova arguidu konfesa integralmente, afrguidu tuku duni lezada no konfirma mós husi lezada. Arguidu komete krime ne'e tanba de'it husu ba lezada maibé lezada la fó, arguidu foin primeiravés halo agresaun hasoru lezada no to'o agora la baku ona lezada. Nune'e husu ba tribunál atu aplika pena multa mínimu ba arguidu.

Desizaun

Depoisde avalia sira faktu hotu, tribunál prova katak arguidu komete duni krime hasoru lezada, arguidu tuku dala ida iha lezada nia matan fukun parte loos halo moras no bubu.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu sentavus 0,50 kada loron durante loron 60. Tribunál mós fiksa pena alternativa ba arguidu durante loron 40 prizaun, bainhira arguidu la kumpri pena multa refere.

Atu hetan informasaun kompleitu, favór kontaktu:

Ana Paula Marçal

Diretora Ezekutiva JSMP

Diresaun e-mail: ana@jsmp.tl

Telefone: (+670) 33238883 | 77040735

Website: <https://jsmp.tl>

info@jsmp.tl